




ԵՐԵՎԱՆ. ՄԻՍԻՐԻԱՆԱԿԱՐԵՐՈՂ. ԴԵՊՒ ՆԱՀԱՏԱՏԱԿԱՑ ՀՈՒՇԱՐՁԱՆ



ԱՊՐԻԼԻ 24-Ը ՄԱՅՐ ԱԹՈՌՈՒՄ

Ապրիլի 24-ին, կիրակի.—Յիշատակ բիւրատր նահատակացն մերոց, որք կառուրեցան յընթացս համաշխարհային առաջին պատերազմի.

Ապրիլյան եղեռնի 62-րդ տարելիցն է այսօր:

Առավոտյան ժամը 11-ին Վեհափառ Հայրապետը, ուխտավորաբար Մայր Աթոռում գտնվող Երուսաղեմի հայոց պատրիարք տ. Եղիշե արքեպիսկոպոս Տերտերյանի, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե արքեպիսկոպոս Մանուկյանի, Արարատյան թեմի առաջնորդական փոխառնորդ տ. Կոմիտաս արքեպիսկոպոս Տեր-Ստեփանյանի, Մայր տաճարի լուսարարապետ տ. Հուսիկ եպիսկոպոս Սանթրուրյանի, Մայր Աթոռի վարդապետ ու սարկավագ միաբանների և Մայր Աթոռի պաշտոնեությանն ներկայացուցիչների, Արարատյան թեմի թեմական խորհրդի ատենապետի և անդամների ընկերակցությամբ, այցելում է Ծիծեռնակաբերդի Հայ նահատակաց հուշարձան:

Վեհափառ Հայրապետին ողնկցում էին նաև ՀՍՄՀ Միևնաստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը և տեղակալ Անդրանիկ Հասարթյանը:

Հանուն Հայոց Հայրապետի և Երուսաղեմի հայոց պատրիարքի, Նահատակաց հուշարձանին դրվում է խաչանշան մեծ ծաղկեպսակ, հետևյալ հիշատակությամբ. «Ամենայն Հայոց Վազգեն Ա կաթողիկոսի և Երուսաղեմի հայոց տ. Եղիշե պատրիարքի կողմից»:

Այնուհետև Վեհափառ Հայրապետը, պատրիարք սրբազանը և Նրանց ողնկցողները բոլորվում են հավերժական կրակի շուրջ և կատարում հոգեհանգստյան պաշտոն: Հայոց Հայրապետը «Հոգաց» է արտասանում բոլոր հայ նահատակների և ի մասնավորի՝ 1915 թվականի զոհվածների հիշատակին:

Ապա բոլորը մեկ րոպե լուռությամբ հարգում են նահատակաց անմահ հիշատակը:

Վեհափառ Հայրապետը, պատրիարք սրբազանը և ողնկցողները վերադառնում են Մայր Աթոռ, որտեղ ազգային մեծ սուգի առիթով Մայր տաճարում ս. պատարագ էր մատուցում տ. Արսեն եպիսկոպոս Բերբերյանը:

Հակառակ վատ և անձրևոտ եղանակին, Մայր տաճարը լեփ-լեցուն է հավատավոր քաղմությամբ:

Հավարտ ս. պատարագի պատարագիչ սրբազանը քարոզում է եղեռնի մասին ծանրանալով 20-րդ դարի առաջին ցեղապանության վայրագ ծրագրի իրագործ-

մամբ հայ ժողովրդի կրած անմոռանալի
նահատակության պատմության վրա:

Այնուհետև Վեհափառ Հայրապետի հան-
դիսադրությամբ Մայր տաճարի ատյանում
կատարվում է հոգեհանգստյան արարողու-
թյուն, որին ներկա են լինում ուխտավորա-
բար մայր հայրենիքում գտնվող սփյուռքա-
հայեր:


Ժամը 15-ին վանական սեղանատանը
տրվում է հոգեհաշ:

Ժամը 17-ին հոգևոր ճեմարանի ուսան-
ողությունն ուղևորվում է Ծիծեռնակաբերդ՝

բազմահազար ժողովրդի հետ խոնարհվելու
և աղոթելու հայ նահատակաց հուշարձանի
սոցև:

1915 թվականի ապրիլին Արևմտյան Հա-
յաստանում եղեռնի զոհ դարձավ շուրջ եր-
կու միլիոն հայություն: Մեր նահատակները
գերեզման իսկ չունեցան, բայց նրանք սրբ-
ությանը ապրում են հայ ժողովրդի սրբ-
տում: Մեր այսօրվա վերածնված մայր հայ-
րենիքը փառավոր ու հավերժական հուշար-
ձանն է Ապրիլյան եղեռնի մեր նահատակ-
ների:





ԵՐԵՎԱՆ. ԾԻՄԵՌՈՆԱԿԱՐԵՐԻ, ՀՈԳԵՀԱՆԳԱՏՅԱՆ ՊԱՇՏՈՆԻ ԿԱՏԱՐՈՒՄ ՆԱՀԱՏԱԿԱՑ ՀՈՒՇԱՐՁԱՆԻ ԱՆՄԱՐ ԿՐԿԻ ՄՈՏ